



অবিলম্বে প্রকাশের উদ্দেশ্যে: 11/30/2018

গভর্নর অ্যান্ড্রু এম. কুওমো

গভর্নর কুওমো ঘোষণা করলেন যে 2020 সালের মধ্যে এইডস মহামারী নির্মূল করার জন্য নিউ ইয়র্ক স্টেট সঠিক পথেই আছে এবং এইচআইভি (HUMAN IMMUNODEFICIENCY VIRUS, HIV) আক্রান্তদের সেবা পাবার অধিকার বিস্তৃত করতে তিনি নতুন বিধিগুলি প্রস্তাব করেন

নতুন তথ্য থেকে দেখা গেছে যে 2020 সালের মধ্যে এইচআইভি সংক্রমণ কমানোর জন্য নিউ ইয়র্ক স্টেট সঠিক পথেই আছে

বিশ্ব এইডস দিবসকে (World AIDS Day) সামনে রেখে, এইচআইভি বীমাহীনদের সেবা কর্মসূচির (HIV Uninsured Care Programs, HUCP) যোগ্য হওয়ার জন্য প্রয়োজ্য সর্বনিম্ন আয় নতুন বিধিগুলির আওতায় বৃদ্ধি করা হবে

নতুন এইচআইভি রোগনির্ণয় রেকর্ড- পরিমাণ কমেছে

প্রতি বছর আবার বেশি সংখ্যক এইচআইভি আক্রান্ত নিউ ইয়র্কবাসী চিকিৎসা পাচ্ছে

গভর্নর অ্যান্ড্রু এম. কুওমো আজকে ঘোষণা করলেন যে 2020 সালের মধ্যে এইডস(AIDS) মহামারী নির্মূল করার জন্য নিউ ইয়র্ক স্টেট সঠিক পথেই আছে এবং বাধা দূর করে নিউ ইয়র্কের এইচআইভি (HIV) আক্রান্ত বীমাহীন বা অপর্യാপ্ত বীমার ব্যক্তিদের সেবা পাবার অধিকার বিস্তৃত করতে তিনি নতুন বিধিগুলি প্রস্তাব করেন। এইচআইভি এর বিরুদ্ধে লড়াইয়ে জাতীয় অগ্রপথিক হিসেবে নিউ ইয়র্কের মর্যাদার উপরে ভিত্তি করে এই বিধিগুলি রচিত। নিউ ইয়র্কে নতুন করে নির্ণীত এইচআইভি আক্রান্ত মানুষের সংখ্যা সর্বকালের মধ্যে নিম্নতম হয়েছে, যেটি এই মহামারী নির্মূল করতে স্টেটের প্রচেষ্টা যে উল্লেখযোগ্য প্রভাব রাখছে তা প্রদর্শন করে। বিশ্ব এইডস দিবস ডিসেম্বরের 1 তারিখে, এবং নিউ ইয়র্কে বিশ্ব এইডস দিবস নিয়ে কর্মসূচি পালিত হবে 4 ডিসেম্বর, মঙ্গলবারে, এবং নিউ ইয়র্ক স্টেট মহামারী নির্মূল সম্মেলন (NYS Ending the Epidemic Summit) অনুষ্ঠিত হবে 5ই ডিসেম্বরে।

“এইচআইভি/এইডসের(AIDS) বিরুদ্ধে লড়াইয়ে নিউ ইয়র্ক স্টেট অসাধারণ অগ্রগতি করেছে, এবং এই নতুন তথ্যাংশ এটিই দেখায় যে 2020 এর মধ্যে এই মহামারী নির্মূল করার আমাদের যে লক্ষ্য তা অর্জন করার জন্য আমরা সঠিক পথেই রয়েছি”, **গভর্নর কুওমো বলেছেন।** “মহামারী নির্মূল করতে আমাদের লড়াই অব্যাহত আছে, এবং এই নতুন বিধিগুলি এইচআইভি আক্রান্ত আরও বেশি সংখ্যক মানুষের তাঁদের প্রয়োজনীয় সেবা লাভ করার অধিকার নিশ্চিত করবে এবং ফলস্বরূপ আরও সংক্রমণ বন্ধ করতেও সহায়তা করবে।”

“আমরা রোগীর সেবা এবং এইচআইভি/এইডস(AIDS) আক্রান্ত মানুষের চিকিৎসা পরিষেবা বিনিয়োগ করছি যাতে তাঁদের স্বাস্থ্যকরভাবে জীবন যাপন নিশ্চিত করা যায়”, **লেফটেন্যান্ট গভর্নর ক্যাথি হোচুল বলেছেন।** “বিশ্ব এইডস দিবস পালনে, নিউ ইয়র্ক এইচআইভি আক্রান্ত মানুষদের স্বাস্থ্যসেবা পাওয়ার অধিকার বিস্তৃত করেছে এবং বীমাহীন বা অপরিপূর্ণ বীমার ব্যক্তিদের জন্য বাধা সরিয়ে ফেলছে। এইচআইভি এর বিরুদ্ধে লড়াইয়ে প্রচলিত নেতিবাচক মনোভাব দূর করতে আমরা দেশকে নেতৃত্ব দিচ্ছি এবং সকল নিউ ইয়র্কবাসী যাতে তাঁদের প্রয়োজনীয় এবং প্রাপ্য সংস্থান এবং সহায়তা পায় তা নিশ্চিত করছি।”

বীমাহীন এবং অপরিপূর্ণ বীমার মানুষদের এইচআইভি সেবা পাবার অধিকার বিস্তৃত করতে, নিউ ইয়র্ক স্টেটের স্বাস্থ্য বিভাগ (Department of Health) আয়ের প্রচলিত নিয়মকে সমসাময়িক করতে এবং সম্পদের মূল্য যাচাইয়ের পরীক্ষা বাতিল করতে এইচআইভি বীমাহীনদের সেবা কর্মসূচি বা এইচইউসিপি – র নিয়ন্ত্রক বিধিগুলি সংস্কার করবে। বর্তমানে, HUCP এর জন্য যোগ্য হতে, একজন আবেদনকারীর পরিবারের আয় ফেডারেল দারিদ্র্য সীমার 435% এর কম বা সমান হতে হবে, এবং আবেদনকারীর চলতি সম্পদ 25,000 ডলারের কম হতে হবে। এই নতুন বিধিগুলি যোগ্য আয়কে ফেডারেল দারিদ্র্য সীমার 500% পর্যন্ত বৃদ্ধি করবে এবং সম্পদের উপর আরোপিত সীমাবদ্ধতা দূর করবে। প্রস্তাবিত বিধিগুলি ডিসেম্বরের মাঝামাঝি প্রকাশ করা হবে, যা 2019 এর শুরুতে গ্রহণ এবং অনুসরণ করা হবে বলে আশা করা হচ্ছে।

স্বাস্থ্য বিভাগের এইচআইভি বীমাহীনদের সেবা কর্মসূচির মধ্যে এইচআইভি আক্রান্ত বীমাহীন এবং অপরিপূর্ণ বীমার নিউ ইয়র্কবাসীদের স্বাস্থ্য পরিষেবা প্রদান করার জন্য পাঁচটি উদ্যোগ থাকবে। আরও তথ্য [এখানে](#) রয়েছে।

2020 সালের মধ্যে এইচআইভি সংক্রমণ উল্লেখযোগ্যভাবে কমিয়ে আনতে এবং এইচআইভি বিস্তার এ-যাবতকালের মধ্যে প্রথমবারের মত কমাতে গভর্নর 2014 সালে যেই মহামারী নির্মূল উদ্যোগ নিয়েছিলেন এই নতুন বিধিগুলি সেটির উপর ভিত্তি করেই গঠিত। এই উদ্যোগের মধ্যে রয়েছে একটি তিন-দফা পরিকল্পনা, যার মধ্যে এখনো রোগনির্ণয় হয়নি এমন এইচআইভি আক্রান্তদের চিহ্নিত করে স্বাস্থ্য সেবার সাথে যুক্ত করা, এইচআইভি আক্রান্তদের স্বাস্থ্যসেবার সাথে যুক্ত করা এবং ধরে রাখা এবং এইচআইভি ভাইরাস দমনের প্রচেষ্টা সর্বাধিক করতে তাদের চিকিৎসার ব্যবস্থা করা, এবং যেইসব মানুষ উচ্চ-ঝুঁকির আচরণে লিপ্ত হয়, তাদের এইচআইভি মুক্ত রাখার জন্য প্রি-এক্সপোজার প্রোফাইল্যাক্সিস (Pre-Exposure Prophylaxis, PrEP) এর অধিকার প্রদান করা।

এই উদ্যোগের কল্যাণে, নতুন এইচআইভি রোগনির্ণয় কমে আসছে, একইসাথে যাদের এইচআইভি ধরা পড়েছে তাদের চিকিৎসার জন্য ভর্তি হওয়ার হার বেড়ে যাচ্ছে। ক্রমাগত তিন বছর নিউ ইয়র্কে নতুন করে নির্ণীত আক্রান্তের সংখ্যা কমেছে, এবং তা 2017 সালে সর্বকালের সর্বনিম্ন 2,769 হয়েছে, যা 2014 এর থেকে 20 শতাংশ কম।

লক্ষণীয়ভাবে, লিঙ্গ, বয়স, বর্ণ/জাতি, সংক্রমণ ঝুঁকি এবং অঞ্চল নির্বিশেষে প্রায় সব জনতাত্ত্বিক গোষ্ঠীর মধ্যেই নতুন করে নির্ণীত এইচআইভি আক্রান্তের সংখ্যা কমাতে দেখা গেছে। যদিও এইচআইভি রোগনির্ণয়ের ক্ষেত্রে বর্ণগত এবং জাতিগত অসমতা এখনো বর্তমান, প্রতি 100,000 জনের মধ্যে নতুন করে নির্ণীত এইচআইভি আক্রান্তের সংখ্যা 2007 সাল থেকে অ- হিস্পানিক কৃষ্ণাঙ্গদের মধ্যে 52 শতাংশ এবং হিস্পানিকদের মধ্যে 42

শতাংশ কমেছে। এটি অ- হিস্পানিক শ্বেতাঙ্গদের হারের সাথে সামঞ্জস্যপূর্ণ, একই সময়কালে যাদের এইচআইভি কেসের হার 46 শতাংশ কমেছে।

নতুন তথ্য থেকে দেখা যায় যে, এমন মানুষের সংখ্যা অনেক বেড়েছে যারা নতুন এইচআইভি আক্রান্ত হিসেবে নির্ণীত হয়েছেন এবং রোগটি সহ জীবনযাপন করছেন এবং শুশ্রুসা পাচ্ছেন। এছাড়াও, সেবার অধিকার বাড়িয়ে দেওয়ার ফলে, যেসব এইচআইভি আক্রান্তদের ভাইরাল সংক্রমণ দমন করা হয়েছে তাদের সাথে থাকা মানুষের সংখ্যাও বাড়ছে।

2017 সালে ইনজেকশন দিয়ে মাদক ব্যবহারের ইতিহাস আছে এমন মানুষদের, নতুন এইচআইভি আক্রান্ত হিসেবে নির্ণীত হওয়ার সংখ্যা ছিল 110 যা সর্বকালের সর্বনিম্ন, 2014 সালে গভর্নর কুওমো যখন তিন-দফা পরিকল্পনা করেন তখন এটি ছিল 153 এবং এখন তা 28 শতাংশ কমে এসেছে। 90 এর দশকের গোড়ার দিকে যখন এইচআইভি মহামারী মারাত্মক ছিল তখন প্রতি বছর ইনজেকশন দিয়ে মাদক ব্যবহারের ইতিহাস আছে এমন হাজার হাজার মানুষ এইচআইভি আক্রান্ত হিসেবে নির্ণীত হত।

বিগত চার বছরে, নিউ ইয়র্ক স্টেট, মহামারী নির্মূল লক্ষ্যে পরিকল্পিত স্বাস্থ্য বিভাগের নীতি এবং কর্মসূচির অর্থসাহায্যের খাতে 20 মিলিয়ন ডলারের বেশি মজুত করেছে। এই নীতিগুলির মধ্যে রয়েছে এইচআইভি পরীক্ষা স্ট্রিমলাইন করা; সিরিজ বিনিময়ের অধিকার সহজ করে তোলা; এইচআইভি প্রতিরোধ এবং শুশ্রুসা পরিষেবার জন্য অপ্ৰাপ্তবয়স্কদের সম্মতি দেওয়ার ক্ষমতা প্রদান; শুশ্রুসার সাথে সংযুক্তি বাড়ানোর জন্য তথ্য বন্টন প্রসারিত করা; শুশ্রুসার উদ্যোগগুলিতে সংযুক্তি এবং ধরে রাখা; এবং ক্লিনিক্যাল ব্যবস্থায় PrEP অধিকারের উন্নতি করা। এর সাথে, ক্ষতি হ্রাসকরণ পরিষেবা (harm reduction services) এখন একটি মেডিকেইড সুবিধা এবং নিউ ইয়র্ক স্টেট প্রথম স্টেট হিসেবে এই পরিষেবা প্রদান করেছে।

নিউ ইয়র্ক স্টেট স্বাস্থ্য অধিদপ্তরের এইডস ইনস্টিটিউট অ্যান্টিরিট্রোভাইরাল চিকিৎসার (Rapid Initiation of Antiretroviral Treatment) দ্রুত সূচনার উপর একটি নতুন পলিসি আরোপ করেছে, যেটি বলে যে নতুন করে কেউ এইচআইভি আক্রান্ত হিসেবে নির্ণীত হলে তার সাথে সম্পর্ক রাখে এমন সবার জন্য পদক্ষেপ নেওয়া উচিত, যার লক্ষ্য হল দ্রুত সূচনা। যদিও একই দিনে চিকিৎসা শুরু সব সময় সম্ভব নাও হতে পারে, কিন্তু তিন দিনের মধ্যেই রোগীদের চিকিৎসা শুরু করা উচিত। আউটপেশেন্ট ব্যবস্থায়, কোনো অবস্থাতেই চিকিৎসা শুরু করতে 30 দিনের বেশি সময় নেওয়া যাবে না। দ্রুত সূচনার নীতিটি “সনাক্ত করা যায় নি অর্থাৎ সংক্রামক নয়” (Undetectable equals Untransmittable, U=U) বার্তা সমর্থন করে, বার্তাটির অর্থ হল যেসব মানুষের সনাক্ত করা যায় না এমন ভাইরাল লোড রয়েছে তারা যৌন সম্পর্কের মাধ্যমে এইচআইভি ছড়াতে পারে না।

স্বাস্থ্য কমিশনার ডা. হাওয়ার্ড জাকার বলেন, “এই মহামারী নির্মূল করতে সেবার অধিকার বিস্তৃত করা খুবই গুরুত্বপূর্ণ, এবং মানুষ যেন তাদের প্রয়োজনীয় সাহায্য পায় তা আজ ঘোষিত নতুন বিধিগুলি নিশ্চিত করবে। শুধুমাত্র রোগনির্ণয়ের পরেই চিকিৎসা সম্ভব, তাই আমি সবাইকে উৎসাহিত করবো তারা যাতে পরীক্ষা করায় এবং নিজেদের অবস্থা জেনে নেয়।”

গ্রেগ ওলসেন, নিউ ইয়র্ক স্টেট অফিস (New York State Office for the Aging) এর বয়োবৃদ্ধির ভারপ্রাপ্ত পরিচালক, বলেন, “বীমাহীন এবং অপরিষ্পন্ন বীমার মানুষদের জন্য এইচআইভি সেবার অধিকার প্রসারিত করার মাধ্যমে মহামারী নির্মূলে তার অঙ্গীকারপূরণ গভর্নর কুওমো অব্যাহত রেখেছেন, আমি সেই

জন্য তাকে সাধুবাদ জানাই। এইচআইভি আক্রান্ত নিউ ইয়র্ক অধিবাসীদের বয়স যত বেশি বাড়ছে, সেবার বর্ধিত অধিকার থাকার ফলে তারা তাদের পরিস্থিতি অপেক্ষাকৃত ভালোভাবে চালনা করতে পারবে এবং বয়স বাড়ার সাথে সাথে তাদের স্বাস্থ্য বজায় রাখতে পারবে।”

###

অতিরিক্ত তথ্য পেতে দেখুন www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসারস্কাইব করুন](#)